



**COMUNE DI QUARTU SANT'ELENA – COMUNU DE QUARTU SANT'ALENI**

***Tzitadi Metropolitana de Casteddu***

## **SETORI 6 – POLÌTICAS SOTZIALIS E GENERATZIONALIS**

### **DETERMINATZIONI**

**Nùmeru 952 de Registru Generali  
De su 20/06/2024**

**Ogetu: *PROGETU “A DOMU” - SERVÌTZIU DE AGIUDU A IS POLÌTICAS ABITATIVAS – SIGHIDURA  
PROGRAMA PERSONALIZAU DE AUTONOMIA ABITATIVA A FAVORI DE UNA FAMÌLLIA IN  
CUNDITZIONIS DE DISCUMBÈNIU – IMPINNU DE GASTU.***

**Su Dirigenti detèrminat:**

**Bidas** is deliberatzionis de su Consillu Comunali:

- n. 114 de su 19.12.2023 chi at aprovau sa Nota de aggiornamentu Documentu ùnicu de programatzioni (DUP) 2024/2026 - ART. 170 c. 1 DE SU D.LGS. 267/2000;
- n. 116 de su 19.12.2023 chi at aprovau su Bilàntziu de Previsioni Finantziàriu 2024/2026 e sa nota integrativa;

**Cunsideradas finas:**

- sa Deliberatzioni de sa Giunta Comunali n. 2 de su 05.01.2024 cun su “Pianu Esecutivu de Gestioni (PEG) 2024/2026”;
- sa Deliberatzioni de Giunta Comunali n. 25 de su 01.02.2023 cun: “Aprovatzioni Pianu Integrau de Atividade e Organizatzioni (PIAO) Tres Annus 2023/2025”;

**Bida** sa Deliberatzioni de sa Giunta Comunali n. 323 de su 23/11/2022 cun ogetu:  
“APPROVAZIONI SCHEMA DE PRÌSIA DE INTESA PO CUNTRATUS A CÀNONI CUNCORDAU A FAVORI DE TZITADINUS IN CUNDITZIONI DE DISCUMBÈNIU SÒTZIU-ALLOGIATIVU”;

**Postu chi** cun determinatzioni n. 1912 de su 29/12/2022 ant afidau a sa Dita “Solidarietà Consorzio Cooperativo Sociale” de Casteddu, P.IVA/CF: 02354570927, su servìtziu de agiudu a is polìticas abitativas de si fai aìnturu de su territòriu de Quartu S. Aleni, servìtziu chi serbit a amellorai su traballu de s’aministratzioni in contu de chistionis de discumbèniu abitativu;

**Biu** su “Protocolu de intesa - cuntratus a Cànoni Cuncordau”;

**Cunsiderau** s’art.10 de custu documentu chi previdit chi, s’impreu de su dinai Comunali at a essi a favori de famìllias sceberadas de su Setori Polìticas Sotzialis;

**Biu** su Programa personalizau de autonomia abitativa aprontau de su Coordinadori de su Servìtziu “A DOMU”;

**Torrada sceda** de fai s’impinnu de gastu cunforma a sa documentatzioni me in is atus de su Servìtziu Sotziali Professionali Comunali e de s’Ufitziu Polìticas Abitativas sa suma de € 1.200,00 segundu su programa de autonomia abitativa cunforma a sa cuota de pesoni po is mesis de argiolas, austu e cabudanni 2024 a balli asuba de sa disponibilitadi de su finantziamentu – CAP .91076/2024 – tzentru de gastu 17.140.00009 - GESTIONI SERVÌTZIU POLÌTICAS ABITATIVAS – AGIUDU A IS FAMÌLLIAS CHI FUNT CIRCHENDI DOMUS A PESONI;

**Biu** s’artìculu 107 “Funtzionis e Responsabilidadi de sa dirigèntzia” de su cali a su Decretu Legislativu n. 267 de su 18.8.2000, Testu Ùnicu de is leis asuba de s’ordinamentu de is entis localis;

**Biu** su Regulamentu in contu de s’Ordinamentu de is Ufitzius e de is Servìtzius;

**Biu** su D.Lgs. n. 267/2000;

**Biu** su D.Lgs. n. 118/2011;

**Biu** su Decretu Sindacali Nùmeru 4 de su 02.02.2024;

**Biu** su statutu comunali;

**Bius:**

- su Còdixi de cumportamentu de is dependentis pùblicos.
- su Còdixi de Cumportamentu de su Personali de su Comunu de Quartu Sant'Aleni aprovau cun deliberatzioni de sa Giunta comunali n. 10 de su 30/01/2014;

**Donau atu chi:**

- custu provedimentu sighit is òbligus de publicatzioni de is datus in sa setzioni Aministratzioni Trasparenti – setzioni Provedimentus, cunforma a su chi previdint is artìculus 26 e 27 de su D. Lgs. n. 33 de su 14 de martzu 2013;
- su Responsàbili de custu protzedimentu cunforma a s’art. 5 de sa L.241/90 e de s’art. 31 de su D. Lgs est sa Dirigenti de su Setori Polìticas Sotzialis e Generatzionalis;

**Cunsiderau** chi no nc'at cunflitu de interessus;

## **DETÈRMINAT**

**1. De impinnai** sa suma de € 1.200,00;

**2. De allistai** su gastu de € 1.200,00 in sa disponibilitadi de su CAP. 91076/2024 – tzentru de gastu 17.140.00009 - GESTIONI SERVÌTZIU POLÌTICAS ABITATIVAS – AGIUDU A IS FAMÌLLIAS CHI FUNT CIRCHENDI DOMUS A PESONI;

SA DIRIGENTI DE SU SETORI Lorena Cordeddu